

# Soneto di Amisì

Semo qua, regasi e fantoline,  
riuniti tuti, arente le Saline,  
a co de la Capitaneria  
per spansarse in alegria.

Ghe i spaghetti co le cape  
ghe xe vin de caratelo  
ghe 'na sopa da palagio  
ghe un "secondo" de fromagio.

Ritornando a chele sope,  
se qualcun no se le cope  
a le gusta co passion  
le se ciame: "soup d'ognon".

No ve digo le lagreme co fato  
a tagliarme de seole quasi un corbato  
pianseva proprio come un fio  
co i ghe sventole ed da drìo.

Ma se importante xe magnare  
pi ancora xe ciacolare,  
contarse fati d'ani indrio,  
de amori, barufe, del desio,

che xe nato in Sagraeto  
co i à savesto del progeto  
de la giunta comunale  
de tagliarghe chel Canale.

"Nu no volemo - i gha dito in Municipio  
che co la scusa del progresso  
fà de casa nostra un ceso.  
Se el sinico vuole fare el cavedon  
a lo fasa a casa soa,  
indove invese a xe paron!",

"Ghe xe bastansa spusa de seca  
e de re stendue a sugare  
per zontarghe a sto sporcheso  
anche roba da ziodare!!"

Ma lasemo sti argomenti,  
la parola demoghe ai denti  
e pensemo a scominsiare:  
prima a bevare e pò magnare

Fago un brindisi ai presenti,  
(ma no desmentego i asenti):  
GRAZIE CARLO PRESIDENTE,  
grazie a ti e a la to zente  
che a volesto a sto convito  
darne asio co-un-invito.-

El scanapiolo poeta

a Giosa in agosto 1975

%%/%%/%%/%%/%%/%%/%%